

洞玄靈寶玉籙簡文三元威儀自然真經

天尊曰 靈寶中元宮中 舊有三部威儀二千四百條 自經龍漢之後 至赤明元年 上聖撰校 抄集要用 使下教真人應得道者 凡八十條 而今行焉

中元玉籙簡文神仙品曰 奉師威儀 宜燒香 凡修仙道 當思經師 所在之方 心拜三過 願師得仙道 我身昇度

中元玉籙簡文神仙品曰 奉師威儀 思經師 禮拜畢 次思籍師所在之方 心拜三過 願師得飛仙 為我開度七祖父母 早昇天堂 我得道真 昇入無形

中元玉籙簡文神仙品曰 奉師威儀 思籍師畢 次思度師所在之方 心拜三過 願念師得昇度 上登高仙 為我開度五苦八難 名入仙錄 永成真人

中元玉籙簡文神仙品曰 奉師威儀 經師則經之始 故 宜設禮三寶之宗 籍師則師之師 故宜設禮生死錄籍 所曰度師則受經之師 度我五道之難 故應設禮 為學不尊三師 則三寶不降 三界不敬 鬼魔害身

洞玄靈寶玉籙簡文三元威儀自然真經

清微藏書閣

中元玉籙簡文神仙品曰 奉經師威儀 問訊經師 上稱弟子某甲

惶恐言後 惶恐再拜

中元玉籙簡文神仙品曰 奉籍師威儀 問訊籍師 上稱日記弟子某

甲稽首後 稽首再拜言

中元玉籙簡文神仙品曰 奉度師威儀 問訊度師 上稱具記弟子某

甲言後 再拜言

中元玉籙簡文神仙品曰 師答弟子威儀 當稱名上謝 後言敬謝

中元玉籙簡文神仙品曰 奉師威儀 與師言 皆當稱弟子某甲啟

不得但稱弟子

中元玉籙簡文神仙品曰 奉師威儀 男官與師言 皆稱名不得稱姓

弟子也

中元玉籙簡文神仙品曰 奉師威儀 女官與師言 皆稱名言 不得

但稱姓弟子也

中元玉籙簡文神仙品曰 奉師威儀 有所請求 規問法事 當先禮

經師 籍師 各一拜畢 再拜啟度師而自陳

中元玉籙簡文神仙品曰 詣師威儀 當宿昔齋戒 嚴裝法服 端恭

待旦 載馳載欣

中元玉籙簡文神仙品曰

詣師威儀

當正己趨行

稽首俯仰

安徐

容序 歡然對神

中元玉籙簡文神仙品曰

詣師威儀

每當重掌累足

警行斂手

心

存上真

中元玉籙簡文神仙品曰

詣師威儀

每當一心恭脩禮敬

斂手信禮

注念分明

中元玉籙簡文神仙品曰

詣師威儀

當專心正己

意志玄虛

恭肅

禮拜 動止安徐

中元玉籙簡文神仙品曰

詣師威儀

揖讓禮拜

崇向無為

懽樂玄

虛 喜慶交至

中元玉籙簡文神仙品曰

詣師威儀

當澡洗手足

衣服潔素

體有

香熏 氣合神景

中元玉籙簡文神仙品曰

詣師威儀

施禮問訊當

入齋 堂

燒香

願念 禮於三寶

中元玉籙簡文神仙品曰

詣師威儀

當施法服

科次左右

端詳聽

洞玄靈寶玉籙簡文三元威儀自然真經

清微藏書閣

思 中外應承

中元玉籙簡文神仙品曰

詣師威儀

當振喜交集

正顏直視

祇畏

悚息 如履薄冰

中元玉籙簡文神仙品曰

詣師威儀

當執手平坐

儼然無虧

為眾

所觀

中元玉籙簡文神仙品曰

詣師威儀

當修禮既畢

當思己身

受生

所犯 念自舉勵

中元玉籙簡文神仙品曰

詣師威儀

念罪既畢

靜思清虛

存念神

氣 不相遠離

中元玉籙簡文神仙品曰

詣師威儀

諸念既畢

當起掃灑內外

奉

宣功勤 效於恭敬

中元玉籙簡文神仙品曰

詣師威儀

有所稽顙

當起施禮

然後還

坐 陳啟所心

中元玉籙簡文神仙品曰

詣師威儀

當安徐聲氣

吐納柔和

勿得

高剛 傷忤真氣

中元玉籙簡文神仙品曰

詣師威儀

當擇言而道

言以法音

勿得

輕忽 妄及私鄙

中元玉籙簡文神仙品曰

詣師威儀

當勤行直道

勿得遊過

徬徨

二心

中元玉籙簡文神仙品曰

詣師威儀

當男女各道

勿得前卻

遲速

相牽

中元玉籙簡文神仙品曰

詣師威儀

男女整肅

勿得低頭耳語

淫

視相當

中元玉籙簡文神仙品曰

詣師威儀

有所啟索

隨事以聞

勿得避

迴 私自竊取

中元玉籙簡文神仙品曰

詣師威儀

當齋糧自隨

勿得煩損師門

求取無厭

中元玉籙簡文神仙品曰

詣師威儀

當修整為意

勿得糞草

穢慢

內外

中元玉籙簡文神仙品曰

詣師威儀

當正己求真

勿得懷挾

背向

不專

中元玉籙簡文神仙品曰

詣師威儀

當清虛心口

以注正真

勿得

洞玄靈寶玉籙簡文三元威儀自然真經

清微藏書閣

飲酒 濁亂神氣

中元玉籙簡文神仙品曰

詣師威儀

當恭慎正事

勿得稱道傳教

假因精崇 迷於愚短

中元玉籙簡文神仙品曰

詣師威儀

當整顏慎言

勿得調笑

更相

戲弄

中元玉籙簡文神仙品曰

詣師威儀

當端恭承奉

勿得側坐

抵臥

肘隱

中元玉籙簡文神仙品曰

詣師威儀

當直造往反

勿得攀牽

徬徨

遊颺

中元玉籙簡文神仙品曰

詣師威儀

師有所問

當斂板伏地

稱名

上對

中元玉籙簡文神仙品曰

詣師威儀

當持戒自檢

守死不移

勿得

雜念 榮務塵濁

中元玉籙簡文神仙品曰

詣師威儀

當令同氣

形心齊平

勿廣招

引 異類之人

中元玉籙簡文神仙品曰

詣師威儀

宿正臥息

當著衣服

思真安

定 勿得解脫 裸身露形

中元玉籙簡文神仙品曰 詣師威儀 臥息起止 當涉履徐步 勿得

狼戾 奔走驚駭 中元玉籙簡文神仙品曰 詣師威儀 冠帶巾幘 每令整頓 勿得露

頭 輕慢尊貴 中元玉籙簡文神仙品曰 詣師威儀 當懽心欣喜 如對大聖 勿得

瞋怒 忿恚四輩 中元玉籙簡文神仙品曰 詣師威儀 當欣欣吉慶 勿得稱怨 悲泣

自悼 中元玉籙簡文神仙品曰 詣師威儀 當修禮節 揖讓進退 勿得強

弱相承 無有尊敬 中元玉籙簡文神仙品曰 詣師威儀 當念施忠孝 仁慈篤義 勿行

嫉妒 懷抱不道 中元玉籙簡文神仙品曰 詣師威儀 當藏惡宣善 每引四輩 勿得

毀謗 抑遏頑短 中元玉籙簡文神仙品曰 詣師威儀 當思開化 廣度天人 勿得閉

中元玉籙簡文神仙品曰 詣師威儀 當開悟愚短 令入法門 勿得

中元玉籙簡文神仙品曰 詣師威儀 當念普天 同見法門 勿得異

中元玉籙簡文神仙品曰 詣師威儀 當念師家 普得飛行 身得侍

從 上登大聖 中元玉籙簡文神仙品曰 詣師威儀 當請問科戒 勿得闕闕 發泄

經書 中元玉籙簡文神仙品曰 詣師威儀 當注一事 勿得傲戲 弄師服

翫 開看箱篋 中元玉籙簡文神仙品曰 詣師威儀 當齋紙自隨 勿得輒取師家筆

墨 以供己用 中元玉籙簡文神仙品曰 詣師威儀 當請問經戒 尊承祕重 勿妄

宣傳 要取名德 中元玉籙簡文神仙品曰 詣師威儀 當與同學 共相教度 勿得始

中元玉籙簡文神仙品曰 詣師威儀 當與同學 共相教度 勿得始

洞玄靈寶玉籙簡文三元威儀自然真經

清微藏書閣

妒鬲戾 爭竟稱己

中元玉籙簡文神仙品曰 詣師威儀 見人謬誤 有所不達 當即開

示 令知罪失 勿得哂笑 觀其成敗

中元玉籙簡文神仙品曰 詣師威儀 師行不在 當禮拜齋堂 如見

尊長 勿得逕去

中元玉籙簡文神仙品曰 詣師威儀 當整肅內外 勿得書畫 齋堂

壁柱

中元玉籙簡文神仙品曰 詣師威儀 當素身躡履 勿得操持刀杖

論及武事

中元玉籙簡文神仙品曰 詣師威儀 當謙下自居 恭儉遜讓 勿自

造意 稱己嫉人

中元玉籙簡文神仙品曰 奉師威儀 常當朝暝禮問 動靜承奉 溫

顏如敬君父

中元玉籙簡文神仙品曰 奉師威儀 離師左右 常當朝暝 遙心禮

拜 目存心恭 如對尊長

中元玉籙簡文神仙品曰 奉師威儀 師有吉慶 弟子皆當一心欣欣

洞玄靈寶玉籙簡文三元威儀自然真經

清微藏書閣

歡喜交集 道成功就 福覆無極

中元玉籙簡文神仙品曰 奉師威儀 師有哀憂 弟子皆當心抱憂戚

出入無懼

中元玉籙簡文神仙品曰 奉師威儀 師有疾苦 弟子皆當侍近左右

親親氣息 有如父母

中元玉籙簡文神仙品曰 奉師威儀 師有災厄 弟子皆當率諸同學

建齋祈請 以立功德

中元玉籙簡文神仙品曰 為師威儀 當願開化四方歸宗 法教廣遠

普天成就 德流自下 門徒興隆

中元玉籙簡文神仙品曰 為師威儀 當願弟子受教聰明 學業智慧

意志日成

中元玉籙簡文神仙品曰 為師威儀 弟子歸情 當加誠勵 願得成

就 早出愛獄 上登大聖

中元玉籙簡文神仙品曰 為師威儀 弟子歸心 情丹意盡 師當齋

思 內外相應 無所容隱

中元玉籙簡文神仙品曰 為師威儀 弟子不及 當加訓厲 嚴整法

教 有過兒子

中元玉籙簡文神仙品曰 為師威儀 弟子有慶 師當欣願 道成德

隆 福流無極

中元玉籙簡文神仙品曰 為師威儀 弟子有憂 師當慰接 晨夕係

心 有若一己

中元玉籙簡文神仙品曰 為師威儀 弟子厄疾 師當建齋 晨夕祈

請 以立功德 拔度災患

中元玉籙簡文神仙品曰 為師威儀 敷宣法化 當令弟子四輩平等

齊同心腹 無懷貳意

天尊告太上大道君曰 洞玄靈寶中元宮中 玉籙簡文 神仙品目

舊有上元 中元 下元三部威儀 部有八百條 三部合二千四百條

皆金書玉字 仙都左公總錄於中元宮中 自經龍漢之後 淪於混沌

其文改易 多不全舊 至赤明元年 上聖撰校 抄集要用 部有八

十條 三部合二百四十條 祕於三元宮中 以玉華之女 金晨玉童

各二百四十人 燒香侍經 檢錄漏慢 依玄科四萬劫一傳 神真下

教 運度促急 道須真人四百年下世教化 四十年中聽令三傳 年

洞玄靈寶玉籙簡文三元威儀自然真經

清微藏書閣

限未充 輕宣靈文 七祖囚於地獄 身負風刀 萬劫無原

天尊言 自然威儀 諸天之俯仰 真人之儀軌 得盼之者 皆億劫

因緣 先身宿有金簡玉名 神仙品中 應得仙度 故見其文 以成

其真 修之者則馳騁龍駕 白日登晨 奉之者七祖即得去離地獄

上昇天堂 逍遙中元玉仙宮中 門戶清肅 萬災不干 三界敬護

萬神朝門 其道尊貴 宜祕之焉 太上稽首作禮 奉承要言

洞玄靈寶玉籙簡文三元威儀自然真經竟

天運壬辰年巳月正一天師清微弟子洪鼎堅羅大英恭錄彙編

李艦複校